

Dapat belajar banyak perkara

PROGRAM ini bermanfaat kepada mahasiswa secara langsung dan tidak langsung. Mereka dapat menggunakan ilmu pertanian dan botani yang telah dipelajari dalam proses pembibitan terarium.

Selain itu, mereka juga dapat belajar tentang pengurusan majlis bermula dari penyediaan kertas kerja sehingga perlaksaraan majlis. Juga dapat meningkatkan skil komunikasi antara rakan kerja mahupun hubungan luar.

Mengenai pertanian pula, saya melihatnya sebagai bidang penting sejak permulaaan kewujudan. Lamduan manusia lagi Pertanian merupakan sumber dan peribekal utama kepada kelangsungan hidup manusia seperti makanan dan sebagainya. Apabila dunia mengalami krisis makanan akibat peningkatan penduduk dan kekurangan tanah untuk aktiviti pertanian, masyarakat dan pemimpin mulai sedar akan kepentingan pertanian.

Sebagai penasihat program pula, tugas dan tanggungjawab saya adalah memberi idea, memberi ruang dan peluang serta menyokong idea siswa dalam menjayakan program ini.



Saya melihat, inilah saluran yang berkesan untuk mahasiswa menonjolkan bakat dalam melaksanakan program, penghasilan terarium dan peluang sebagai usahawan.

Memang bukan mudah pada mahasiswa yang baru pertama kali menyertai program sebegini, namun ia bukanlah satu kesukaran jika anda benar-benar mahu menimba ilmu dan pengalaman di samping mengasah bakat semula jadi

dan kreatif dalam seni hiasan tumbuhan dalam kaca.

Harapan saya agar program seumpama ini dapat diteruskan lagi sebagai salur ruang bagi penuntut menyebarkan tentang ilmu pertanian dan juga peluang untuk mereka mengasah bakat dalam pengurusan program.

- Dr Firdaus Ismail
Penasihat program,
Pensyarah Kanan Fakulti
Pertanian, UPM